

# Prezident Toshkent shahridagi buniyodkorlik ishlari bilan tanishdi



Prezident Shavkat Mirziyoyev 21-yanvar kuni Toshkent shahridagi buniyodkorlik ishlarini ko'zdan kechirdi.

Ulardan biri Yunusobod tumani, Shahrisabz va Amir Temur shoh ko'chalari kesishmasi yonida qurilayotgan Tashkent Central Park majmuasidir. Ushbu investitsiya loyihasi O'zbekiston Respublikasi Vazirlar Mahkamasining 2018-yil 5-dekabrdagi qaroriga muvofiq amalga oshirilmoqda.

Majmua uchta 15 qavatli binodan tashkil topadi. Ularda besh yulduzli mehmonxona, biznes ofislar, konferensiya zali, savdo shoxobchalari, restoranlar bo'ladi. Atrofda landshaft dizaynli bog', yer ostida ikki qavatli avtoturargoh barpo etiladi.

Bugungi kunda binolarning asosi tiklangan. Majmua 2023-yilda qurib bitkazilishi mo'ljallangan.

Davlatimiz rahbari qurilish ishlarini jadallashtirish, kelgusida xizmat turlarini ko'paytirish bo'yicha ko'rsatmalar berdi.

Prezident Olmazor ko'chasida barpo etilayotgan Tashkent city mall majmuasini ham borib ko'rdi. Bu yerda 29 qavatli mehmonxona, 30 qavatli biznes markazi, 4 qavatli savdo-ko'ngilochar shoxobchalar binosi bo'ladi. Ularning qurilishi jadal davom etmoqda va 2023-yilda ishga tushirilishi kutilmoqda.

Shu yerda qurilish tashabbuskorlari va investorlar bilan qisqa muloqot bo'lди. Majmua mintaqamizdagи eng yirik savdo markazlaridan biri bo'lishi, unda va turdosh sohalarda 10 mingta yangi ish o'rni yaratish mumkinligi, yaratilgan imkoniyatlar kichik va o'rta biznes rivojiga kuchli sur'at bag'ishlashi ta'kidlandi.

Prezident Shavkat Mirziyoyev Toshkent shahar hokimligida barpo etilgan vaziyatlarni boshqarish markazini borib ko'rdi.

Ushbu markaz aholiga zamонавиъ xizmat ko'rsatish maqsadida tashkil etilgan. 110 milliard so'm mahalliy

byudjet mablag'i hisobidan 4 qavatli bino qurilgan. 60 ta server, katta hajmli kuzatuv ekrani, kompyuterlar bilan jihozlangan.

Markaz elektr energiyasi, tabiiy gaz, suv va issiqlik ta'minoti, yo'l, transport, jamoat xavfsizligi kabi 60 dan ortiq soha idoralarining billing tizimi va portallari bilan integratsiya qilingan. Bu orqali mazkur sohalardagi ma'lumotlar, barcha mahalla va ko'chalaridagi holat geolokatsiya orqali yaqqol ko'rinish turadi. Tumanlarga biriktirilgan mutaxassislar buni onlayn rejimda kuzatib boradi va zarur paytda tezkor xizmat ko'rsatadi.

Bundan tashqari, situatsion markaz shahar infratuzilmasini tahlil qilish va rejalashtirish kabi strategik masalalar bilan ham shug'ullanadi. Masalan, qayerda shifoxona, maktab yo bolalar bog'chasi qurish, qaysi yo'l yoki muhandislik tarmog'ini ta'mirlash zarurligi to'g'risida xulosa beradi. Markazda 100 nafarga yaqin malakali mutaxassislar ishlamoqda.

Prezident ushbu markaz tajribasini boshqa hududlarda ham joriy qilishga ko'rsatma berdi.

Shu yerda Toshkent shahrida mahallabay ishlashni tashkil etish bo'yicha yig'ilish o'tkazildi.

Mamlakatimizda barcha sohalardagi chora-tadbirlar har bir mahallaning o'zida tashkil etilmoqda. Toshkent shahrida ham Mahallabay ishlash agentligi boshqarmasi, 579 ta mahallada hokim yordamchilari va yoshlar yetakchilari faoliyat boshladi.

- Bu ikki tizim vakillari, ya'ni hokim yordamchilari va yoshlar yetakchilari mahalladagi islohotchi bo'ladi. Aholi hayotini yaxshilash, tadbirkorlikni rivojlantirish, yoshlarni kasbga o'rgatib, ishga joylashtirish masalalarida sizlardan umidimiz katta, - dedi Shavkat Mirziyoyev.

Mutasaddilarga qayerda qanday sohani rivojlantirish, ishsiz aholini qaysi kasblarga o'qitish bo'yicha har bir mahallaning iqtisodiy asoslarini ishlab chiqish topshirildi.

Joriy yilda Toshkent shahri mahallalarida infratuzilmani yaxshilashga byudjetdan 500 milliard so'm ajratilishi ma'lum qilindi. Shuningdek, davlat tomonidan mahallalarda biznesni rivojlantirishga 476 milliard so'm kredit va subsidiyalar beriladi. Ushbu mablag'lar hokim yordamchilari tavsiyasiga asosan, mahalladagi eng dolzarb bo'lgan ijtimoiy va kommunal masalalarga hamda tadbirkorlik loyihibariga yo'naltirilishi aytildi.

Toshkent shahar hokimligiga shu paytgacha birorta investitsiya loyihasi bo'Imagan 271 ta mahalla uchun loyihibar shakllantirib, ularga investitsiyalarni jalb etish bo'yicha topshiriq berildi. Yangi sanoat loyihibarini ishga tushirib, shahar eksportini 2 barobarga oshirish mumkinligi qayd etildi.

Mahallalarda qurilishi rejalashtirilgan ijtimoiy inshootlar loyihasi ham ko'rib chiqildi.

"Hududgazta'minot" aksiyadorlik jamiyati tomonidan amalga oshirilayotgan ishlar, Tabiiy gaz iste'molini hisobga olish va nazorat qilishning avtomatlashtirilgan tizimi natijalari haqida taqdimot ham o'tkazildi.



*Manba*